

近代中國史料叢刊續編第二輯
沈雲龍主編

丹桂堂自訂年譜

季芝昌著


(增：恩遇錄、遺愛錄)

文海出版社有限公司印行

近代中國史料叢刊續編 第二輯

目 錄

丹桂堂自訂年譜 (附：恩遇錄、遺愛錄)	季芝昌著
張潛園書廣雅相國奏議	許同莘編
白石山館詩	陳 沆著
清夜齋詩稿	魏 源著
何文貞公遺書	何桂珍著
劉葆真太史文集	劉可毅著
俞俞齋文稿	史念祖著
俞俞齋詩稿	史念祖著
蘇齋集	楊葆光撰
弗堂類稿	姚 華撰



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





2

營江之瀕挺生偉人文章炳蔚夙骨
 嶙峋成均教育魏科道擢受知
 先皇歷試不辱樞幄受遺南置
 治維昔論中殿為宏奇公門有文武
 為國家輔為天下得人公之功鉅
 自開海隅寄真山散處魏闕時况
 難蘊念爾東維息用疾賡走崇川其
 懽蓋殞讀公之譜與詩公之志事可
 知瞻公遺容塞二匪躬如之何弗思

咸豐十一年七月常熟楊希鈺敬題贊
 圖

年譜

先世自宋太常少卿延仲公諱陵扈駕南渡家常
熟之許浦五傳至桐城令諱逢昌由許浦徙文村
又六傳諱天麒徙江陰子諱福三遷江陰之青陽
又十二傳至懋德公諱天祿芝昌五世祖也五世祖以
上據譜紀世五世祖以下下栗主遺像奉於家 高祖舜儀公諱起鳳康熙
丁酉舉人官戶部廣西司主事仍居青陽曾祖靜
菴公諱情徙城內中街祖諧寓公諱熙歲貢生父
晴郊公諱麟乾隆己酉拔貢甲寅順天舉人官直
隸鉅鹿縣知縣三代皆

誥贈光祿大夫兵部尙書閩浙總督曾祖妣趙氏祖妣
趙氏妣史氏皆

誥贈一品夫人

乾隆五十六年辛亥九月初五日生於江陰城內中

街本宅是日震雷 曾大父名之曰震後 先大

夫名之曰芝昌字雲書號仙九是歲 曾大父年

七十 大父年四十四 先大夫年二十五 太

夫人年二十六

壬子二歲

閏四月 曾大父卒

癸丑三歲

先大夫在京外舅王儕嶠先生蘇以長女許字芝

昌時方五歲

甲寅四歲

先大夫舉京兆試

乙卯五歲

先大父教之識字

嘉慶元年丙辰六歲

先大父教之讀書

丁巳七歲

戊午八歲

己未九歲

先大夫會試出英煦齋先生和房俛得復失榜後

南歸

庚申十歲

五月妹生十二月先大夫計偕北行

辛酉十一歲

先大夫大挑一等用知縣分發山東以座主方

葆巖先生維甸爲方伯迴避改直隸先大父猶

應鄉試

壬戌十二歲

先大父歲貢成均乃絕意科舉

癸亥十三歲

甲子十四歲

乙丑十五歲

應縣府試六月院試時適患胎瘧未得與

丙寅十六歲

縣試第十名十一月科試入縣學第十六名學使

者會稽莫寶齋先生

晉也

丁卯十七歲

先大父不令鄉試

戊辰十八歲

閏五月歲試一等三名學使者江西萬和剛先生承風

有精深博大文陣雄師之目七月先大父

攜赴金陵鄉試補增廣生

己巳十九歲

補廩膳生先大夫自宦直隸兩攝南樂縣事又

攝西甯縣滄州事至是真補鉅鹿縣乃迎先大

父挈家就養并適史姑母全家以行五月起程六

月抵署先大父猶督課芝昌不輟蓋芝昌自識

字以至食餼皆先大父誨之未嘗一日離左右也十二月赴河南衛輝府贅外舅官署

庚午二十歲

二月孀室王氏回鉅鹿將赴北關援例爲糜貢生成行後先大父先大夫以婦病馳諭之歸是冬長女生

辛未二十一歲

先大父客夏感末疾經歲加劇七月棄養時鉅鹿縣民惑衆斂財粟事覺先大夫既按名擒捕解送行省爲大吏誣劾坐本管官不身與名捕事奉

嚴旨褫職遣戍屬適史姑母護 先大父靈櫬先歸

先大夫在邢臺釐算官款

壬申二十二歲

正月念曾生七日殤邢臺送 先大夫西行二月

奉 太夫人南還三月抵里十二月爲 先大父

營葬卜地黃山小丁家蕩

癸酉二十三歲

館於由里山房授內弟讀四月應甲生鄉試被擯

十月富甲生後名念詒妾郭氏出

甲戌二十四歲

長女痘瘍十二月驚聞、先大夫殉於戍所乃二月六日也嚴匡山先生煥時按察湖北馳書迪化城巡檢送匱至武昌令芝昌往迎

乙亥二十五歲

先大夫在輪臺日館呼圖壁巡檢馬君曾裕署殉

後馬君集貲屬松江徐琳護觀以還徐之父前副

將某亦殉於戍所者嚴先生書至已就道矣八月

芝昌迎候於常州九月扶還江陰安厝 先大父

新塋

丙子二十六歲

外舅入都候銓屬移家由里山房此寄寓甥館之
始春杪染疫幾殆應甲痘殤四月葬 先大夫是
冬外舅卒於京師

丁丑二十七歲

正月營辦外舅葬事三月服闋 先大夫官逋咨
迫既呈繳老屋數間而官書絡繹時輒擾迫外舅
因屬吏虧賠事亦未了屢爲蘇州之行

戊寅二十八歲

鄉試被擯

己卯二十九歲

二月妹適長涇徐鑑峯先生

紹基

第三子

錦

鄉試

為海門司馬梁楚畹先生

蘭滋

房薦

庚辰三十歲

應課暨陽書院山長丁星階年丈

履泰

甚激賞之

是年作時文為多

道光元年辛巳三十一歲

三月送內弟入都就嫻兼赴京兆試四月抵京寓

崇文門外僚壻繆丹珊

庭澂

宅十月中式順天鄉

試第二百七十八名舉人房師商城周芝臺先生

祖培

座師大庾戴可亭先生

均元

滿洲那繹生先

生 彥成 金匱顧晴芬先生 臯也

壬午三十二歲

會試為涇縣朱蘭坡先生 琦 房薦四月出京五月

抵家外姑莊恭人屬重校外舅試峻堂詩集賦鈔

付刊以嚴匡山先生前刻於湖北其板未歸也歲

杪竣事

癸未三十三歲

正月北行會試為天津韓鶴莊先生 大信 房薦五

月考取

咸安宮漢教習第四名閱卷者青陽王蓮府先生 宗

誠 滿洲廉淑之先生 善 錢塘陳荔峯先生 嵩慶 六

月考取國子監學正學錄第十三名引

見記名閱卷者王蓮府先生歸安姚秋農先生 文田 滿

洲奎玉庭先生 照 武愚庭先生 忠額 七月偕繆丹

珊由潞河買舟南返八月抵家

甲申三十四歲

八月賃屋大街王氏奉 太夫人移居

乙酉三十五歲

編輯外姑莊恭人椒花室詩付刊八月次女生十

二月婦王夫人病卒有輓句云十數年轉徙相依

小小定家偏撒手兩生子摧傷不育呱呱遺女倍
酸心葬黃山小下家蕩先塋

丙戌三十六歲

正月借夏式庭表丈翼謀 稭鄉 翼朝丁誦生嘉葆

蕭子滂以霽北行途中頗有廣和四月出京與丁

敬生嘉蔭同車五月抵里

丁亥三十七歲

課兒於家祝筱山聘君百十之孫維益亦來受業

聘君自乙亥定交忘年之雅過從之勤始終罔閒

未疾再作遂至不起賴李申耆山長兆洛時其唱

酬聊慰晨夕感舊傷懷不覺商聲出筆下也十月
三女生妾郭氏出

戊子三十八歲

正月奉 太夫人附糧艘北上夏伯田 之成 莊子

定 潤 赴試京兆同舟數月賞奇析疑極友朋之樂

六月抵都寓宣武門外椿樹三條衲衲與張詩翰

農部 祥河 並宅九月補廣業堂學錄楊儁凡中翰

景曾 來同居十一月妾郭氏病卒是月恭遇

覃恩賚贈外祖父史諱有光修職郎外祖母徐氏八品

孺人

已丑三十九歲

會試為灤州汪岱青先生 于酒 房薦冷官無事藤

餘竹可齋中朋簪雅集詩酒聯歡日與儁凡夜談

漏三下不休已庚兩載最京宦閒適時也

庚寅四十歲

充俄羅斯學教習署中兼職漸多

辛卯四十一歲

派辦鄉試驗照新定搜檢章程分門點名條款聞

一二日赴署至中秋乃稍閒儁凡南歸莊鐵厓州

倅 湛恩 來同寓十二月遷率性堂助教

壬辰四十二歲

會試榜發中式第九十二名貢士房師爲歙縣許

玉叔先生球總裁爲吳縣潘芝軒先生世恩開化

戴金溪先生敦元滿洲穆鶴舫先生彰阿寶應朱

詠齋先生士彥

保和殿覆試一等第六名

殿試進呈

欽定一甲第三名

賜進士及第授翰林院編修上海劉鴻甫大令樞來同

寓座主吳縣寶應兩尙書先後爲教習師課必前

茅寶應師課五賦皆第一尤誇賞焉分教者昆明

李栢堂先生煌獎勉逾格同年會課每乞南昌彭

春農前輩那晴評隲亦盛稱於人賞音夙遇不敢

忘也九月念詒完婚同邑蘇鏡湖上舍杭次女

癸巳四十三歲

鴻甫赴官閩中儻凡抵都仍來同寓四月十六日

正大光明殿散館

欽定一等一名恭紀詩云堂陛交驩泰運開一心一德

重衡才同趨

紫禁欣承

詔

親御丹毫許占魁

十七日閱卷大臣擬第一進呈

殊筆書

魁字於上賦首二字詩首二字於下
蓋十六日呈卷時已蒙

欽定矣

覆載無私慚學淺

賦題為三無私身名蒙福感

恩培從今珥筆勤思稱敢負西清視草臺後因以丹魁

名堂充

國史館協修本衙門撰文七月十六日

大考翰詹

欽定一等三名擢侍讀與侍講王

植賈植同

賜對於

勤政殿

獎誨備至并及散館名次十月充教習庶吉士先是五月奏充分教學院曹儷笙相國擬派有名鶴舫師同掌院事以資淺阻之至是曹相國堅欲充補鶴舫師弗能回也十二月初八日

簡任山東學政

上以公廉二字訓之二十八日出都訂丁誦生孝廉襄校而屬其移家我屋與儁凡同居除夕宿新城度歲

甲午四十四歲

正月初十日抵濟南十三日接篆侍 太夫人入
署前任王蘭卿前輩 丙 試濟南未畢開篆補試四
縣文童二月出按臨清州武定登州萊州青州各
府科試事竣回省七月錄送遺才山左科舉向係
陸續補送大吏出門則環乞者塞於途貢院將屆
點名猶收卷注冊往往孱雜叢弊劉眉生方伯 斯
端 任職久患之斬更法以肅厥事乃清號舍覈人
數慎去取廣告諭分正次備爲三等斥落者亦揭
於榜以七月晦蕙考事卽夕送冊於藩司八月朔
撤棘無一人額求續送者鄉闈向有飛卷之弊鍾

雲亭中丞 祥 語司道曰學使者按試各郡一人耳目尙能釐革傳遞槍替積習名曰監臨提調獨可任其鬼蜮乎嚴飭幹吏起獲偽造布政司印兩顆置舞弊者於法是科山東鄉試內外肅清矣七月長孫女生八月屆更換學政之期奉

旨無庸更換武鄉試畢出按泰安曲阜歲試歲杪旋省是歲恭遇

覃恩贈封父母及本身妻室

國史館臣工列傳告成議敘一等加一級紀錄二次
乙未四十五歲

正月出按沂州兗州曹州東昌臨清武定各屬六月
月回省七月考錄遺才十月歲試濟南十一月

太夫人七袞慶辰僚屬製錦稱祝時吾妹伉儷率
甥男女在署絲衣繞砌 太夫人顧而樂之是歲

恭遇

覃恩以本官加二級

誥贈祖父母及贈封父母

丙申四十六歲

正月出按青州登州萊州各屬歲試竣事文風士
習察之既周厲色嚴辭士心無怨是東人之道而

公也使者何有焉接行沂州泰安科試并考選拔
十二年一舉此典敢不慎歟撤棘後登泰山造日
觀峯并游後石塢盡山南北之勝六月回省八月
出按曲阜兗州曹州東昌臨清歸試濟南已嚴寒
矣

丁酉四十七歲

二月出按武定登州萊州青州科試畢四載以來
終日堂皇始終不懈入試者其見之鬚鬢星星白
登州凡三至觀海蓬萊閣差足壯懷濟南院署面
大明湖思乘月載酒蕩漾荷葦閒卒卒未暇也四

月長孫僧耆生其母夜夢老僧入戶故以名之六月回省七月錄送遺才八月會考選拔一百三十四人適許玉叔師來署見之喜其得士九月代者劉瞻巖殿撰釋至交篆卽行抵都恭復

恩命

召見勤政殿奏對稱

旨暫寓米市衚衕西向不可耐冬徙居宣武門西柴廠官房卽四槐書屋也充

咸安宮總裁十二月

命充日講起居注官

戊戌四十八歲

三月充會試同考官上年未與考差

特恩也得士十一人方塘田雨公會國藩梁國琮錢振

倫皆館選五月充教習庶吉士復充本衙門撰文

背秋涉冬史館纂輯之暇與同年汪良山振基勞

辛階崇光約課夏榦園廷楨陳春腴熾陸稼堂應

穀時亦同作樽酒論文不勝回首玉堂之感向例

起居注書成於次年之冬具奏擇

日講官為前序後跋恭進是歲掌院派作前序閱月

乃成